

## Invitatione.

Nostro terminologia cognosce duo notione: illo de linguistica normativo et illo de interlinguistica.

Nos nomina linguistica normativo systema totale de technicas et de theorias, quem etiam vos ute pro productione de interlinguas.

Nos nomina interlinguistica studio historico et comparativo de interlinguas. Ce termino es identico formatione ad linguistica, studio historico et comparativo de linguas /naturale/.

Ce scientia ~~exxvada~~ interlinguistica es valde novo. Es necessario suo promotione, de punctu de vista de scientista in generale, et de punctu de vista de linguista normante. Me opine que vos vol es parato ad auxilia promotione de ce novo disciplina scientifico, et propter ce me preca vos de collabora cum me in fundatione de uno institutione interlinguistico. Si vos volk age ita, subscribe documento de fundatione provisito et mitte illo ad me.

## Documento de fundatione.

Considerante,

que usque ad praesente promotione tanto necessario de disciplina scientifico interlinguistica non veni in manus de uno auctoritario corporatione constituto pro ce scopo,

que solum uno tale corporatione autonomo es capabile de redde disciplina interlinguistica agnito in modo generale et de conserva idem disciplina super uno alto libella constante,

in fine que societate autonomo et independente, quo resulta ex suo ~~re~~unione, pote satisfac penso de corporatione indicato,

subscriptos resolve,

que illos funda uno academia interlinguistico/nominato secundum grande pionniere Pirro, quo per toto suo activitate vol labora in favore de promotione de interlinguistica,

que illos ~~taxidaxixxxxxxx~~ fixa modalitates de suo activitate in idem tempore cum praesente resolutiones,

et que illos statim incipe suo activitate.

/Dato./

## Directivos de activitate.

- 1.§. Titulo de corporatione es Societate Pirro, secundum grande pionniere de scientia interlinguistica.
- 2.§. Societate persequo scopo de promotione de studio systematico de interlinguistica, de suo conservatione constante in uno libella digno et de intercala idem scientia in vita scientifico.
- 3.§. Societate fi fundato pro scopo indicato per .....
- 4.§. Societate habe 12 membros admaximo. Si numero 12 non es attincto, novo membros pote fi cooptato post recommendatione de duo membros ad unanimitate.
- 5.§. Membros, titulo de qui es perpetuale, elige ex suo proprio ordines

uno praesidente, officio de qui es honorario, et uno secretario qui cura labores archivativo, administrativo, editoriale etc. et qui intermedia inter membros. Praesidente et secretario repraesenta auctoritate de societate. Illos fi electo pro 4 annos.

6.§. Si uno membro non prehende ~~partem~~ parte dum uno anno in labores de societate sine que da rationes de ce habitu, illo es considerato dimissionario.

7. Si secretario vol demissiona, illo debe cura res de societate usque electione de novo secretario, sed adminimo dum duozmense.

8.§. Societate considera sicut suo penso eminente creatione de Encyclopaedia Interlinguistica. Illo ~~saige~~ saige suo medios semper conforme ad circumstantias. Possibile medios plus importante es: nominatione de comitatus pro resolve pensos scientifico et practico; editione de vario operes, de annales, de periodicos; organizatione de concurrentias et distributione de pretios. - Societate in omne anno dona uno "numisma Firro" pro auctore de uno valde merito opere interlinguistico./

9.§. Resolutiones de societate fi concepto per auxilio de circulares.

10.§. Activitate continuale de societate fi garantito per secretario in functione. Necessitates pecuniario de societate es pacato per subventiones voluntario.

11.§. Affiliatione corporativo de societate in non importe quale alio corporatione non es permissio.

12.§. Si per non importe quale ratione activitate de societate non plus pote fi continuato, 3/4 parte adminimo de membros pote pronuntia dissolutione. In casu de dissolutione pleno de societate decide super archivo, bibliotheca, capitale, etc.

-----

#### Observationes informativo:

Nos considera opere de Comité pour Élaboration de la Terminologie Interlinguistique sicut nucleo de Encyclopaedia Interlinguistica.

Si constitutione de societate non effectua-se nimis tardo, "numisma memoriale Firro" fi donato jam in anno 1930.